

Immer noch do

Text & Musik: Kasalla - Homepage: kasallamusik.de

Hügg es widder su ne Ovend,
Jung, wie schön, dich hee zo sinn.
Wie lang han mir nit mih gesproche,
ständig en der Tretmüll dren.
Egal, wie schnell de Welt och durchdriht,
hück Naach steiht se einfach stell.
Ich weiß, der Wäg, dä hinger uns litt,
ging nit immer nor gradus.
Manchmal flüg mer en der Himmel,
manchmal litt mer op der Schnüss.
All die Narve, all die Fähler,
sin doch och e Deil vun uns.

Su lang wie ich levve, sing ich e Leed.
Un ihr zeigt uns, wie et geiht.

Refrain:

Jo jo jo, mer sin immer noch do do do.
Weil mer su schnell nit kapodd geiht
un weil de Sonn immer widder opgeiht, singe mer
jo jo jo, mer sin immer noch do do do.
Drink met mir op dich un mich un e neues Johr.
Op dat, wat es, op dat, wat kütt,
un op dat, wat wor.

Jung, wat mir nit all erläv han
un mer han noch su vill vür.
Loss mer nix dovun vergesse.
Dat bliev hee, ich schwör et dir.
All die kleine Augeblecke
jede Dag un jede Naach.

Su lang wie mer levve,
singe mir unser Leed.

Refrain: Jo jo jo, mer sin immer noch do do ...

Na na na ...

Refrain: Jo jo jo, mer sin immer noch do do ...

Quelle: WDR - Sing mit Köln! 11.11.2016